



**R. P. Valerii Reginaldi Bvrgvndi Seqvani E Societ: Iesv,  
Praxis Fori Poenitentialis**

Ad Directionem Confessarii, In Vsv Sacri sui muneris ...

**Regnault, Valère <1543-1623>**

**Mogvntiæ, 1617**

Cap. 18. De materia voti,

---

[urn:nbn:de:hbz:466:1-78477](#)

ita qui voto se adficit ad unam integrum recitationem septem psalmorum poenitentialium: ut reus censetur peccati mortalitatis, si duos vel tres ultimos sine causa omittit: sic etiam censetur, si in tota recitatione hinc inde omissus est totus versus, qui eosdem psalmos in quantitate adaequat. Hinc enim perinde ac illuc contingit notabilis mutilatio integræ recitationis, impedita non votum de ea factum iudicetur implatum: quia leues ipsæ omissiones sic multiplicantur, ut in totalem quandam coalecendo, una accipiat per aliam incrementum: in quo, cum per multiplicationem ventum fuerit ad propositionem æquitatem, violatio quæ illam inducit, erit peccatum mortale: quia licet materia in qua committitur sit de leuis, non est tamen secundum eam ratione, qua precedentibus superaddita in unius materia grauis complementum, habetur pro gravi.

At vero quando multus actus leuis, sunt materia totalis singulorum votorum, ita ut signatim ac diuissim adimplentur: quia in nulla est eorum unio, quia unus augeatur per alium: nunquam per multiplicationem violacionem ipsorum veniale, pervenient ad aliquam mortalem. Nec enim ex venialibus, quantocumque sint numero, efficitur unum mortale. Hinc si quis voulit in singulos dies unam orationem dominicam recitare spacio unius mensis: licet per omnes illius dies, eam recitationem omittat, non commitit maius peccatum in ultima quam in prima die. Sicque datur excusatio à mortali: quando actus leuis, materia est totalis voti: quæ non datur quando tantum est materia partialis.

238. Septimum documentum, quod traditur à Caet. in verbo Votum cap. penult. est. Eum qui non potest ex toto implere votum, teneri saltem ex parte quæ potest: sicut qui non potest solvere totum debitum quod contraxit, teneat soluere partem quam potest. Et qui non potest ieiunare totam Quadragefimam, debet partem quam potest. Et qui una refactione contentus tunc esse impeditur, teneatur à vertutis cibis abstinere. Quod enim contingit in materia præcepti, pariter existimandum est contingere in materia voti: quod habet præcepti modum & rationem quamdam. Ad idem facit, quod ex regula 37. iuris in 6. vtile per inutile non beat vitiari.

Aduerte autem tunc documentum hoc locum habere, cum voti materia fuerit diuisibilis: ut censetur esse quando constat multitudine & collectione actuum separabilius a se inuicem. Sienim diuisibilis fuerit: siue ex se, siue ex intentione vountis: quia nolit alter se obligare, quam prout in ipsius potestate fuerit totum implere: id ipsumque non possit; excusatetur non tatum ab inpleendo illud, sed etiam illius partes quas potest: cum earum adimplitione voto satisfacere non valeat. Videndum est Suarez tract. 6. De relig. li. 2. c. 2. In cuius quoque, initio docet, quod obseruatione dignum est pro praxi: votum de materia impossibili, non obligare ad aliquid loco eius præstandum: quia votum non obligat ultra intentionem vountis: quæ non est obligandi se ad aliud, quam ad id quod voulit, nisi illud in hoc fuerit inclusum: vt est castitatus, aut non pertere ab uxore debitus: in perpetua castitate.

239. Octauum documentum est. Peccatum esse mortale videntem penitere voti facti, si penitentia includat propositum non implendi illud. Hoc de se manifestum est: quia propositum non implendi votum, & non implere sunt eiudem malitia: quemad. Caet. 2. 2. q. 38. art. 6. Sotus lib. 7. de iust. q. 2. art. 4. ad 2. & Nauar. in Enchir. cap. 12. num. 55. annotat. Sed adiuerte non esse idem sentiendum quando talis penitentia tantum includit propositum, se ab obligatione quam contraxit vouendo, liberando per dispensationem aut commutationem legitimam, factamve legitima auctoritate Superioris, arque iusta de causa, quandoquidem neutra harum est peccatum.

Iam si eadem penitentia non excludat sed includat propositum non implendi votum factum, Nauar. ibid. cum Angelo Votum 3. num. 13. dicit non esse peccatum saltem mortale. Sylvest. vero, votum 2. q. 20. absolute ait nullum peccatum esse, si adiut rationabilis penitendi causa: quod etiam locis citatis volunt Caet. & Sotus. Qui addit id

præteritum verum esse, quando emissum est votum de re ardua: & is qui voulit experitur difficultatem, quam si pre cognovisset non voullet. Pro Sylvestro autem facit haec ratio: quia potest quis absq; peccato nolle voulere: ergo pariter potest nolle voulisse: quandoquidem utriusque illius actus, idem est obiectum: quod per seam habitudinem ad diuersas temporis partes, non variatur in bonitate & malitia morali. Sieu ergo ante votum emissum non fuit obligatio gaudendi de illo emitendo, ita nec est non dolendi de emissso. Immo nec illud implendi sine ullo tali dolore, quod plerisque esset valde difficile. Aduertendum est tamen si ex rati penititudine oriatur probable periculum non adimplendi votum, eam mortali malitia non carere: qui enim amat periculum peribit in illo. Cum veniali au tem solum foret, si solum esset periculum, languidius impendi votum ex Caiet. & Soto in istem locis.

## C A P. XVIII.

## De materia voti.

## S U M M A R I V M.

- 240 Tres conditiones, quas materia voti requirit.
- 241 Aptissima voti materia est opus supererogationis.
- 242 Bonum possum in præcepto, potest esse voti materia.
- 243 Quid sit de tali materia, non obstat, quin sit proprium voti, nouam inducens obligationem. Quodq; multiplicatio vnius eiusdemq; voti non multiplicet obligationes, sed solum confirmet primam.
- 244 Validum esse potest vicum de nunquam peccando mortali ter.
- 245 Non item de nunquam peccando venialiter, aut absolute de nunquam peccando.
- 246 Explicatio difficultatis, An apta voti materia sit, quidquid bonum est moraliter.
- 247 Bonum possum in hominis libertate, quod inhabilitat ipsum ad seruandum consilium Euangelicum, materia est in apta ad votum.
- 248 Moraliter bonum, ut sit apta voti materia, debet esse melius suo opposito.
- 249 Solutio duarum rationum contra inualiditatem voti de matrimonio contrahendo.
- 250 Casus in quibus tale votum censeri potest validum.
- 251 Explicatio difficultatis, An validum sit votum de ingredientia religionis laxiori.
- 252 Votum dare indifferenti quatenus indifferens est, validum non est.
- 253 Est autem, quatenus de eadem redditâ bona moraliter, ex circumstantia boni finis.
- 254 Corollaria que ex ea doctrina deduci possunt.
- 255 Tres casus in quibus facere votum de materia inepita, peccatum est mortale.
- 256 Alij casus in quibus id tantum est peccatum veniale.
- 257 Vouere actus venialisiter malum, est suo genere mortale.

**M**ATERIA voti, seu illud de quo votum fieri debet, tres conditiones requirit, ut intelligitur ex doctrina D. Tho. 2. 2. q. 88. art. 2. Prima, ut sit actus humanus, seu quæ exercere, vel non exercere liberum sit vounti. Nam si actus sit, quem vel exercere, vel non exercere sicut non est in ipsius potestate, inepit peculiari obligatio ne adstringeret se ad id, quod velit nolit, ei contingat. Secunda, ut sit opus bonum: ut pote quod debet gratum esse Deo, cum votum sit promissio facta Deo, quæ ipse non acceptat nisi factam de re sibi grata. Nihil autem quod bonum non est, Deo gratum est. Quapropter votum non nisi de bono fieri potest. Et ita communis Doctorum omnium sententia est, ut Suarez testatur in tract. 6. De relig. libr. 2. in initio capit. 4. actum malum non posse esse obligationis voti materiam: alioqui enim esset obligatio ad illum exercendum, adeoque ad peccandum, quod absurdum est. Vnde dicitur 2. 2. q. 4. In malis proprias rescindit fidem: in turpi voto, muta decretum: quod incaute vouisti ne facias: impia est promissio quæ sceleris adimpletur.]

Tertia

Tertia conditio est, ut idem bonum opus non sit tunc, quod ex se prius hominem aliquo bono, quod maius sit, quodque magis placeat Deo. Ratio est, quia ut homo per votum maneat obligatus Deo, necessarium est omnino ut Deus ipse acceptet illud quod ei promittitur. At non est credendum, quod Deus acceptet ab homine bonum, per quod prius se bono meliori: ac obiicit sibi impedimentum ascendi ad perfectionem maiorem: ad quam solet Deus ipse iuvare & promouere sibi denotos: prout bene dicit D. Thomas art. 2. notat Cajetanus. Quibus conditionibus consentanea, satisfacendum est varijs difficultibus, que circa propositam materiam mouentur.

**P R I M A E S T.** Quænam sit aptissima voti materia. Ad cuius solutionem dicitur, bonum esse supererogationis seu consilii: ut ingressum religionis, ieunium extra tempora ab Ecclesia prescripta, confessio facienda singulis mensibus, & alia eiusmodi opera. Namque talia maxime omnium, sita sunt in libera nostra potestate. Hęcque est doctrina expressa D. Tho. in cit. art. 2. & post ipsum Richardi in 4. distin. 38. art. 3. quæst. 2. & Sotii lib. 7. De iust. & iure quæst. 1. art. 3. conclus. 5. qui eam aduersus hæreticos propugnat in preced. art. 1. v. & nonnulli alijs recentiores: quibus Suar. in tract. De relig. lib. 1. cap. 1. nouissime accessit, sed non nostri propositi in eo hærente.

**S E C U N D A D I F F I C V L T A S E S T.** An bonum positum in præcepto: ut non fornicari, ieunare Quadragesimam, & aliud huiusmodi, sit apta materia voti. In cuius & sequentium gratiam aduerte, constare quidem necessarium necessitate naturali (quale est hominē tandem mori) haud esse materia voti: sed incertum esse de necessario mortaliter: quale est quod, cum sit præceptum, licite omitti non potest: & cum sit prohibutum, licite fieri non potest: et si absolute sit hominis libera potestate: tum omittendum faceretur faciendum, omittere. Atque de tali necessario mouetur proposita difficultas: de qua in vitramque partem autores & rationes Suarez habet in eodem tractatu, lib. 2. cap. sexto: & affirmantem, que est D. Thomas in eodem art. 2. tueretur cum Cajet. ad eundem articulum & Soto in memorato art. 3. alijsque Thomistis: quibus Nauarrus in Enchir. cap. 12. num. 25. & 34. & passim recentiores assentiantur. Respondeatur ergo ad eam ipsam difficultatem affirmativa: nempe de eis quod est in præcepto, votum rite fieri posse: quod patet ex vsu in Ecclesia recepto vouendi non solum abstinentiam à nuptijs, que non est in præcepto: sed etiam abstinentiam à veneris voluptatibus extra matrimonium: de qua est præceptum. Non mœchaberis. Confirmaturque simili: si enim ad prestanta quæ tenemur ex præcepto, possumus adhuc nos obligare iuramento (vt si uirem me ieunaturum Quadragesimam) poterimus etiam voto: maxime cum id ipsum ieunium, melius, laudabilis, majorisque meriti inde reddatur: accedente ei bonitate virtutis religionis, ratione voti. Similiter si is qui ex contractu tenetur ad solutionem alicuius debiti, potest adhuc promissionem ad eam destringere, potest pati qui se Deo adstringere voto, ad implendum quod determinat ex præcepto.

Accedit quod obseruatio præceptorum necessaria sit quidem, non tamen naturaliter & absolute: sed solum moraliter & ex suppositione finis, qui est extera salus: ad cuius confutationem præceptorum obseruatio omnino requiritur, iuxta illud Matth. 19. Si vis ad vitam ingredi serua mandata.] Vnde fit, vt cum eadem obseruatio naturaliter, absolute sit in nostra potestate: ipsa posse constitui ex ea parte, materia voti: per quod adstringamus nos nouo vinculo, ad modum illius qui cum teneatur lege iustitia depositum reddere, ad idem se nouo iurisfundi vinculo adstringit. Rationes que in contrarium obiici posunt cum suis solutionibus Suarez in citato cap. 6. habet. Eas breuitatis causa possumus relinquere apud ipsum videndas: præsertim cum ad securitatem conscientia pro regula abunde sufficiat: quod in ecclesia receptus sit usus emitendi votum non modo simplex, sed etiam soleme (in professione religionis scilicet & in sacrorum ordinum susceptione) de perpetua castitate: quod idem est ac de non fornicando.

Neque vero audiendi sunt Richardus in cit. q. 2. ad. 1. & Angelus, Votum 1. num. 1. dicentes vota eiusmodi largantum, nec proprie vota esse. Nam contrarium (quod Caiet. & Sotus locis citatis tenent & sequitur Suarez in eodem cap. 6. num. 8.) ex eo patet, quod vere sint promissiones Deo facta de bono non impeditu maioris: atque fieri de re alias debita, non tollat rationem voti, vt ne rationem iuramenti, tanquam utriq; accidentiarum: ideoq; non obstat, quin utrumque priori obligationi nouam superaddatur, ita ut una transgressione committatur duplex peccatum prout tradidimus in tertio documento præcedens capituli: & specialiter de initiatis sacro ordine Sotus ostendit in 7. De iust. & iure quæst. 4. art. 2. in conclusione responsu post quartam propositionem. Videri quoque potest Thomas Sanchez in lib. 7. De matrim. disp. 21. quæst. ultima.

Addendum vero est obiter, quod Suarez habet in seq. num. 13. repetitionem eiusdem omnino voti, non multiplicare obligations se tantum confirmare primam: quæ ex primo voto secuta est tanta, quanta possibilis fuit, ut pareret simili, quia si quid promisi alicui aut donavi, nihil aliud amplius possum circa illud quam promissionem aut donationem confirmare.

**T E R T I A D I F F I C V L T A S E S T.** Quid sit sentiendum de voto nunquam peccandi mortaliter. Quæ solvitur dicendo cum Soto in lib. 7. De iust. & iure quæst. 1. art. 3. tale votum vix unquam esse emitendum, aut consulendum propter difficultatem ipsum obseruandi: emissum tamen obligare, tanquam vere ac proprie votum. In quam sententiam inclinat Nauar. in Enchir. cap. 12. nu. 65. eamq; in tract. 6. De relig. lib. 2. cap. 3. num. 2. Suarez sequitur dictiem esse communem Doctorum modernorum. Probatur vero: quia licet perdifficilis sit eiusmodi voti materia, non est tamen impossibilis: potest enim quis cum auxilio diuinæ gratiæ, que ex se fidelibus semper est parata, omnianac singula peccata mortalia vitare iuxta Concilium Trid. sessione 6. cap. 15. Tale votum igitur cum sit de bono opere possibili (quod enim per amicos possumus, simpliciter posse censem) ipsum sane legitimum & obligatorium esse existimandum est.

**Q U A R T A D I F F I C V L T A S E S T.** Quid sit sentiendum de voto quo quis se adstringere ad nunquam peccandum venialiter. Placet autem quod sentit Nauar. in citato num. 65. pleniusque tractat Suarez in cit. cap. 3. à numero quarto, tale vorum (& multo minus illud quod is adiungit nunquam peccandi) non modo non esse emitendum vel consulendum: sed neque si emittatur, esse validum. Ratio est, quod nemo obligetur ad impossibile, prout haberet reg. texta iuris in 6. Impossibile autem est homini in hac vita ab omnibus venialibus abstinerere, etiam cum eo auxilio diuino quod de lege ordinaria fidelibus conceditur, prout habetur ex Concil. Trident. sess. 6. can. 23. Quod tamen intellige, moraliter loquendo. Si enim metaphysice, ac de potentia, rr. vocant, Logica agamus: cum nulla detur contradiccio, negandum non est omnia venialia vitari posse: etiam si talis potentia non reducatur ad actum, nisi ex speciali Dei auxilio: prout contigisse in Beatissima Virgine, Catholica Ecclesia agnoscit, iuxta idem Concil. Trid. in eodem canone. Quod si petas, An is qui absolute voulit à venialibus abstinerere, teneatur ex vi voti saltem ab iis abstinerre quæ potuerit evitare; vt v. g. iocosa mendacia: prout is qui Quadragesimam ieunare voulit, si totam nequeat, tenetur partem quam potest ieunare. Respondeatur absolute non teneri ex vi voti, ab aliquo eorum abstinerere: quia tale votum absolute inualidum fuit, tanquam stultum, vppote fa. & cum de sibi impossibili, vt loco cit. Sotus bene notat. Id quod non ita vluuenit in voto de ieunanda Quadragesima.

**Q U I N T A D I F F I C V L T A S E S T.** An quivis actus moraliter bonus, sit apta voti materia. Eam autem Suarez late persequitur in memorato lib. 2. cap. 7. & 8. Possumus autem pro ordinaria praxi contenti esse duabus generalibus propositionibus tanquam regulis, secundum quas maxime, de talibus iudicandū est. Quibus præmittere oportet paucis, tria bonorum moraliter, genera distingui:

vnum positorum in precepto: duo reliqua positorum tantum in consilio: inter quæ ea secundum genus constituant quæ sunt apissima instrumenta ad bonitatem honestatemque perfectam consequendam (*autonomia re diuina confusa Euangelica*) ut abrenuntiatio temporalium, custodia castitatis, & professio obedientiae: tertium vero genus cætera constituant: quæ eriamur ad statum perfectionis non specient peculiariter, tanquam propria illius instrumenta: pertinent ramen ad communem virtutis statum: ut ieiunare, largiri elemosynam, preces fundere, & cætera quæ dicitur opera supererogationis.

Hoc ita præmonito: prior hæc propositio generalis statuitur. Nullum moraliter bonum, quatenus impeditum est alterius melioris, esse aptam voti materiam. Pro qua Suarez in citato cap. 7. nu. 2. plures adferunt auctores. Probatur autem hac ratione: quod ea non sit apta materia voti, in qua cum id ipsum non possit obligare, nec potest validum esse. At votum factum de bono, prout est impeditum melioris, non potest obligare. Quod probatur: quia obligare in tali materia, idem est a obligare ad non faciendum id quod est melius: & ideo ad non conformandum le diuinæ voluntati: quæ est, ex priori ad *Theffalon. cap. 4.* sanctificatio nostra: ad quam maxime speat, ut semper id agamus quod est melius. Quocirca votum retrahens ab aendo quod melius est, non placet Deo: nec disdiscens acceptatur. Iam si non acceptetur nec obligat ut nec alia promissa non accepta: de qua in sequenti lib. 25. cap. 6. sect. 2. Adde nec conualefcere, sed manere inualidum cœlante impedimento illo melioris boni: quia ex regula 18. iuris in 6. non firmatur tractu temporis, quod de iure ab initio non subsistit.

Secunda propositio generalis est. Omne bonum honestum nisi sit impeditum majoris boni, posse esse aptam materiam voti. Probatur quia bonum honestum idem est ac virtutis actus: qui quatenus talis, referri potest ad Dei gloriam, & ordinari ad ipsius cultum, sic ut fiat materia virtutis religionis. Quare poterit & voti, quod est eiusdem virtutis actus proprius. Accedit quod omnes eiusmodi actus possint mediante voto obediens, cadere sub votum: ut cum quis votet obediens alieni in omnibus, quæ nomine Dei præcepit licitis & honestis. Quare poterit etiam cadere immediate. Nulla enim ratio datur, cur si uno modo possit caderé, non possit & altero.

**247.** **S E X T A D I F F I C U L T A S E T.** An actus bonus quidem moraliter, sed inducens inhabilitatem ad sequendum consilium Euangelici sit inepta voti materia. Hanc quoque late tractat Suarez in eodem lib. 2. cap. 9. in cuius initio admonet eam locum habere potissimum in matrimonio, quod etsi bonum sit, impeditum tamen est obseruationis consilij Euangelici de seruanda perpetua castitate, quæ bonum est illo melius, ex priori ad Corinth. cap. 7. & ex aperta definitione Concil. Trid. sess. 2. 4. can. 10.

Tenenda est autem pars affirms: tales auctum nimisrum esse ineptam voti materiam: ita ut votum de eo factum non valeat. Nam ea est, prout idem ibidem tangit, communis Doctorum sententia: quæ bono fundamento ntititur: quod scilicet votum in tali materia factum, sit impeditum majoris boni: ideoque sit consequenter inualidum, iuxta antedicta in explicatione præcedentis difficultatis. Impedimentum autem in hoc consistit, quod matrimonium inducat vinculum repugnans calibatu: ac statui religioso: qui melior est statu matrimonij, ut constat ex autoritatibus paulo ante allaris. Deinde non est consentaneum existimare, quod Deo placat promissio facta ipsi de eo, cuius oppositum confutit. Quod si non placeat, neque acceptatur: & ideo tanquam non pariens obligationem, inualida est.

Denique actus cuius oppositum ordinarie melius est, quam ipsum, ac conducibilis ad spiritale bonum, non est apta voti materia, quantumcumque alias sit de se licetum. Sic enim quantumvis possit quis licite non ingredi religionem, non potest tamē per votum se ad non ingredendum adstringere, vt bene notant *Syluester* in verbo Religioni 2. in fine, & *Nauar.* in *Enchir.* cap. 12. nu. 23. Nihilominus si casus daretur in quo satius esset non ingredi religio-

nea, quam ingredi: votum de non ingrediendo valeret: vt. g. si quis votaret non ingredi certum monasterium, dum in eo régula non obseruatur, votum est validum, vt expressit *Nauar.* in *Enchir.* c. 12. num. 36. nam non ingredi melius est ex circumstantia, quam ingredi: sive votum tanquam factum de meliori bono, validum est.

Quod autem de voto non ingrediendi religionem, absolute dicatur nullum est, tanquam contrarium diuino consilio, pariteratione dicendum est de voto, quo quis votaret non mutuare, non fideiubere, non dare elemosynam, ac similibus, ex *Caiet.* in verbo *Votum* cap. 2. & 2. 2. q. 88. art. 2. col. 3. in principio: Soro de iustitia & iure lib. 7. quæstione prima articulo tertio, paulo post medium. Similiter, sicut votum non ingrediendi religionem dictum est ex circumstantia cohonestante, reddi validum: pariteratione dicendum est, quod si concurrant tales circumstantiae quæ cohonestent, ac opposito suo meliore redcant actum non mutuandaur non fideiubendi, aliud vel simile, tunc apte licetque de eo, ut pote bono meliori, votum fiat, ex *Soto* ibidem, & ex *Nauar.* in *Enchir.* cap. 12. numero 36.

Cæterum duo sunt quæ peculiariter propositam difficultatem augent: quoad votum matrimonij: vnum est, quod matrimonium, ut pote sacramentum à Christo institutum, sit res bona, & Deo accepta. Alterum, quod iuramentum de matrimonio contrahendo valeat: nec possit, perinde ac votum, valere, nisi sit de eo quod bonum est, cum iuramentum non sit vinculum iniquitatis. Ad quorum prius respondet: matrimonium quidem esse bonum, sed oppositum ipsius esse melius: atque votum debere fieri de meliori bono, tanquam Deo magis grato. Abstinentia autem à matrimonio, seu obseruatio castitatis, melior est matrimonio ipso, prout difertis verbis D. Paulus expressit inquisiens in priori ad Corinth. cap. 7. Qui matrimonio iungit virginem suam bene facit: & qui non iungit, melius facit. Ad posterius vero, voti & iuramenti dispares esse in hac ratione, ut ibidem col. ultima *Caietana notat.* Quia enim votum fit sibi Deo, spectandum est in illo, quod sit Deo acceptum. Ipse vero non haber acceptum minus bonum, quatenus impedit maius, prout ante habitum est. Iuramentum vero si homini, in eius utilitatem: quæ interdum exigit, ut cæteros contractus, sic & matrimonium iuramento firmari.

Concedendum est tamen in casu quo matrimonium caderet sub præceptum, cadere posse sub votum: ut quando ipsum fuerit necessarium ad pacem conseruandam in regno aliquo vel prouincia: aut ad satisfacendum nocumento illato alicui pueræ sub promissione ducenti eam in vxorem: quod ut possit resarcire, stare debet promissum ad seruandum illius honorem, tum ad efficiendum legitimos liberos ex ea susceptos. De qua re Suarez in citato lib. 2. c. 9. num. 8. Consequenter late tractans alium casum, in quo votum factum de contrahendo matrimonio validum censeri potest: nempe cum quis in remedium fornicationis, emissum fuerit propter fragilitatem, quæ se tantopere labore cognoscit, ut nisi matrimonium contrahat, in multa crimina prolapsurus sit. Cuiusmodi votum validum esse potest: cum ex ea circumstantia contrahere sit tali persona melius, quam cum tanto periculo manere in calibatu. Quod noratum à *Caietano*, ubi supra, *Nauarrus* commendat in citato cap. 12. numero 43. eisque plurimum aliorum sententia, quorum Suarez ipse meminit ibidem numero nono. Cessabit tamen talis voti obligatio, cessante ea necessitate: quia tunc incipiet esse de bono, eius oppositum melius est.

Deo casu in quo matrimonij votum fit intuitu misericordia, & pietatis (vt cum quis votet meretricem ducere, ut eam retrahat ab illo malo statu: aut virginem pauperem, ut pudicitia ipsius periclitanti subueniat) nihil amplius dici potest quam ipsum valere tantum, quatenus excludit facultatem accipiendi aliam vxorem: ut sensus sit. Non aliam vxorem accipiam quam illam: quæ ratione est de bono meliori, ob circumstantiam nimisrum pietatis, per quam, in ordine ad maiorem

De gloriam ipsum euatur. Et certe si dicatur tale votum sic valere, ut de necessitate talis ducenda sit; idem tanquam maioris boni impedituum, censeri debet nullum. Neque enim predicta eleutum ex circumstantia pietatis & misericordiae tanta est, quin bonum perpetua castitatis & status religiosi ex votu Concil. Trident. definit. lessione 24. can. 10. sit sublimius statu coniugii.

Restat circa propositam difficultatem dubium. An votum de ingredienda aliqua religione laxior teneat. Ac pro parte negativa facit quod talis ingressus videatur impeditius melioris boni: nempe ingressus melioris seu perfectioris religionis. Sed opposita pars affirmativa tenenda est: quia tale votum est de bono; inferiori quidem, sed in quo est aliquid pietatis, eleuans aliquo modo hominem ultra communem statum: nece tollens libertatem cuncti ad meliorem. Etenim religio, etiam laxior, bonum est praestantius, Deoque gratius, quam ipsius oppositum, seu quam status secularis: nec impedit quominus us qui illam professus est, possit strictiori ingredi ex cap. Licet, De regularibus.

Id quod locum habet ex D. Anton. 2. part. tit. 11. cap. 2. notabilis 4. circa principium: quantumcumque votum simul de ingredie, ac persequendo in ipsa laxiori religione: quia id adhuc melius est, quam ipsius oppositum. Si quis obiciat, per tale votum excludi transitum ad strictiorum religionem, negandum est: quia ipsum non teratur in id direcete, quo laxior religio opponitur strictiori: sed in illud potius, quod in ea bonum est absolute, Deoque gratius, quam ipsius oppositum: unde fit vt nectale votum obstat, quin licet ad religionem strictiorum transire. Quod si voulentis intentio sit talivoto præcludere sibi viam ad religionem strictiorum: ipsum tanquam impedituum majoris boni non valebit: vt Syluester expressit votum 1. q. 4. dicto 4.

Aduerte quod dicitur de voto ingrediendi religionem laxiorem, esse pari ratione intelligendum de voto afflumendi quemcumque statum pium inferiorem, in impedituum perfectioris: nempe valere si factum sit absolute de tali bono per se spectato, ac sine intentione auferendi sibi libertatem transeundi ad statum perfectiorem. Et ita si quis absoluere voulit tota sua vita seruire in hospitali, tenerur quidem id seruare, non ideo tamen impedit religiosus fieri si velit, quod est transire ad statum perfectiorem: & sic de similibus.

**SEPTIMA DIFFICULTAS EST.** An de indifferentiis, iijive quae de se nec bona nec mala sunt moraliter (vt de vestienda, veste alba: de non eundo ad talem dominum, & id genus alijs) possit votum rite fieri. Cum D. Thoma autem 2.2. quest. 88. art. 2. in fine, & Caet. ibid. & in verbo votum cap. 2. R. Richat. in 4. distin. & 3. art. 3. quest. 1. Nauar. in Enchir. cap. 12. nu. 28. & 37. ei satisfaciendum est negando de talibus, vt talia sunt, possit votum rite fieri: quia utilia sunt & vana, nec de se conductant ad Dei gloriam, vel hominis salutem: unde fit vt inepta sint ad votum: quod cumfari Deo, debet ad ipsius gloriam conducere, nosque adipsum, qui salus nostra est, adducere. Et quamvis D. Anton. 2. part. tit. 11. cap. 2. §. 4. hoc ita approbet; vt dicat nihilominus tutius esse talia vota non frangere sine dispensatione Superioris, qui valeat eam dare. Dicant etiam Angelus & Sylu. Votum 1. ille §. 5. & hic quest. 4. dicto 3. tutius esse vt saltem à Confessore prius habeatur declaratio. Possimus tamen absolute dicere quod licet huiusmodi vota propria autoritate infringere, sicut dicunt Sotus lib. 7. de iust. & iure q. 1. art. 3. post 5. conclusionem, dubio 2. & Nauarr. in citat. num. 37. Cum enim nulla sint exceptuatae materiae aptæ, vt ostensum est, nullam obligacionem inducent. Quanquam vt Nauarr. ibidem addit. si quis existimat aliquid tale à se emissum valere, aut dubitet an valeat; non potest absque peccato ei propria autoritate contravenire, nisi de veritate effectus sit certior: quoniam agit alioqui contra conscientiam, quod est peccatum; etiamsi conscientia fuerit erronea, prout docuimus in praecedenti lib. 13. cap. 8.

Aduerte autem quod sicut opus indifferens per actionem circumstantia boni finis, reddi potest moraliter

bonum; sic etiam reddi aptum vt sit voti materia, tanquam eleutum per bonitatem, quam accipit ex fine in quem ordinatur. Ita expresse hotant Caet. verbo Votum cap. 2. sub fine, & ad memoratum D. Thomæ art. 2. col. antepeultima, & Nauar. in citato c. 12. nu. 28. & in sequenti 36. ac Sotus in dub. 2. supra memorato, vbi rem illustrat apto exemplo, inquiens: Tibi loquenti cum homine accidit a liquid ingratus, & ideo voulisti nunquam cura eo sermonem habiturum: aut forsitan ludebas cu. eo foliis lusorij, & voulisti te nunquam cum tali persona, aut tali ludo, aut in tali domo lusurum: si talis sermo aut talis ludus nullus malo tibi sunt occasio, nec abstinere, seruit tibi ad aliquid bonum; nullatenus votum tenet; sed sic voulere fuit peccatum vanitatis. Sin autem cum tali persona loqui aut ludere tibi est occasio sicutius peccati vel dispendi tuarum rerum, vel alterius periculi, votum tenet.

Ex qua doctrina iudicare licet non esse vota quæ mulieres solent facere de non nendo die sabbathi, vel de non coquendo tunc panem: etiamsi addant se in honorem B. Virginis ea facere: prout docent Caet. in ead. col. antepeultima. Sotus in eod. dub. 2. & Nauar. in citato num. 28. Similiter vana ac nulla esse vota de non laundo aut perpendendo capite, die item sabathi in honorē eiusdem Virginis: vel de non comedendo capite in honorē S. Ioannis prout quoq; notant D. Anton. 2. part. tit. 11. cap. 2. §. 4. Sylu. Votum 1. quest. 4. dicto 3. Nauar. in seq. nu. 37. Ratio vero est: quia talia de se, non important magis bonum morale, & quod ad Dei gloriam & æternam salutem conductat, quam ipsorum contraria, vt bene ibid. ait Caet. Bene quoq; addens secus sentiendum esse, de voto cessandi ab operibus servilibus in reuerentiam Beatae Virginis: quia eiusmodi cessatio expeditiorem reddit ad cultum diuinū: eqq; ratione conductit ad Dei gloriam. Idem pari ratione sentiendum esse de voto non nendi die sabbathi, vt recitari possit Rosarium, expedit Nauar. in citato nu. 28. Ratio autem est quod in talis casu detinet aliquid quod ad honorem Beatae Virginis pertineat, vt pertinet recitatio rossarij: quod non accidit in voto facto tantum de nō nendo in honorem eiusdem Virginis: quia constat, id ad eundem honorem nihil pertinere de se, vt nec ipsius oppositum. Quam rationem Caet. attigit loco citato.

Ceterum votum factum de indifferentiis cohonestatis ex circumstantia, obligat tantum quandiu circumstantia ipsa durat prout notatum est à Caetano in verbo votum cap. 2. in fine & cap. 4. atque 2.2. quest. 88. art. 2 col. peultima. Itemq; à Soto in eadē dubit. 2. & à Nauar. in cit. nu. 28. Et ratio est: quia cessante eiusmodi circumstantia, cessat cohonestatio operis ex qua haberet ut possit esse apta votimateria.

**P O S T R E M A D I F F I C U L T A S E S T,** Quod peccatum committat qui votum de materia non apta facit.

Circa quam notandum est ex Caet. in verbo votum cap. 2. Eum qui de facto voulit aliquid illicitum, aut contra consilium, vel indifferens: quia voto abutitur contra reuerentiam Deo debitam, peccare aliquando mortaliter aliquando venialiter, nisi ignorantia excusat. Ac mortaliter quidem (vt idem Caet. ibid. habet, & cum eo Armilla verbo votum nu. 1.) in tribus casibus.

Primus est cum voulit aliquid quod est mortale, vt occidere aut mutilare: quem etiam habent Nauar. in Enchir. cap. 12. nu. 28. Sotus lib. 7. de iust. q. 1. art. 3. paulo post quintam conclusionem Sylu. Votum 1. quest. 4. dicto 3. & tangit D. Anton. 2. part. tit. 11. cap. 2. §. 4. in principio. Ratio vero in promptu est: quia in eo fit Deo grauis iniuria: cum tale votum, non promissionis boni placentis Deo, sed confirmationis mali displicentis eidem, rationem habeat: id eoque blasphemum sit. Vbi aduerte ad blasphemiam non esse opus vt verba blasphema proferantur ex voluntate malum inferendi Deo: sed sufficit, vt talia sint quæ intulerint in sua significatione aliquid Deo penitus indignum. Id quod procedere etiamsi proferantur fieri & sine animo promittendi & perpetrandi peccatum de quo fit votum, Suarez docet in tract. 6. de relig. lib. 5. cap. 2. num. 7. vvens hac ratione: quod si graue malum sit minari Regi, etiamsi id sit sine animo illud inferendi, moraliter censeatur

grauis iniuria, saltem ob verborum temeritatem & contumeliam: multo magis censeri debet respectu Dei, saltem ob voluntatem proferendi verba, quae grauis blasphemie habent rationem.

Secundus casus est: quando quis ita vovet aliquid contra consilium: ut v.g. non mutuare, vt velit se obligare etiam pro eo tempore, in quo idem consilium habet vim praecepti: seu, quod idem est, pro tempore grauis necessitatis. Hunc idem Caiet. 2. q. 88. art. 2. col. 3. refert: & post ipsum Nauar. in eod. c. 12. n. 29. & 35. ac Sotus in memorato art. 3. paulo ante solutionem argumentorum. Satisq; probatur ex precedente casu, cuius tunc rationem induit: cum taliter vovere perinde sit, ac vovere aliquid mortaliter illicitum.

Tertius casus est: cum quis talia vota emittens, satis quidem aduerterit quid faciat, le nimurum attribuere Deo quod ei minime conuenit (quale est eiusmodi votorum vincula acceptare) nihilominus prudens, & sciens vult se illis adstringere. Tunc enim quoddam blasphemie peccatum committitur: vt potest quo tribuitur Deo, quod est ab ipso alienum. Hunc quoque casum Caiet. ipse habet in memorato col. 3. cum eoz Sotus in citato art. 3. paulo post 5. concl. & paulo ante solutionem argumentorum, ac etiam Armilla in verbo Votum num. 1. Intelligentius est autem cum hac exceptione: nisi quis talia voveret bona fide, putans quid huiusmodi Deo parum displaceat (sicut peccata venialia nimurum) quoniam sic non excluderet charitatem, & ideo peccaret solummodo venialiter, vt idem Caiet. habet in proposito cap. 2. & Armilla in eodem num. 1. ac Nauarr. in memorato num. 35. addens bene leuius futurum, si minime aduerteret se in eo rem Deo ingratam admittere.

Venialiter autem solummodo peccare eum qui de materia in debita votum facit: contingit imprimis quando votum fit de indifferentibus, vt in eod. supra cit. c. 2. Caiet. annotat, cui consentit Sotus in dubio 2. post prememoratam quintam conclusionem: inquiens tale quid vovere, peccatum esse vanitatis. Pro quo facit, quod est talis materia non sit apta voto, vt ante ostensionem est, iniuriosa tamen & contumeliosa Deo non est: nec illam vovens significat aliquid de Deo, repugnans ipsius bonitati, sicut vovens aliquid peccatum, vt censeri debeat in re leui, tanquam blasphemus peccare mortaliter. Contingit præterea cum votum fit de ijs quae opposita sunt coniunctis, vt de non mutantando, vel de non fideiubendo extra extremam necessitatem, vell. de non ingrediendo religionem: quia nisi id fieri ex contemptu eorumdem consiliorum, aut sub aliqua ratione mali, per quam ipsum repugnet diuinæ bonitati, non habet aliam malitiam quam vanitatis: qua minus bonum meliori anteponitur. Quia est doctrina Caiet. ad antea memoratum artic. 2. col. 3. Nauarri in eod. cap. 12. num. 29. & Sotus in citato art. 3. paulo ante solutionem argumentorum.

An autem idem contingat etiam, quando votum fit de veniali, difficultas est, quam consequenter Suarez tractat loco cit. num. 8. & aliquot sequentibus, atque cum Caietano contra Sotum tenet peccatum esse mortale, votum Deo facere de peccato veniali: si is qui ita vovet cognoscat & aduerterat quid faciat, nempe se attribuere Deo approbationem peccati, sine qua tale votum nequit acceptari. Quia igitur peccatum veniale leue quidem est de se: sed ex circumstantia irreligiositatis, per quam offeritur Deo, graue est, valdeq; ei iniuriosum (vt potest destruens si fieri posset, ipsius infinitam bonitatem, quae non poterit secum approbationem cuiuscumque peccati) fit vt quantumcumq; illius perpetratio non sit de le mortalibus: sit tam illius promissio facta Deo, tanquam blasphemia: vt potest quae de facto est velut asserio, quod Deo talis culpa placeat: & ex consequenti, quod ipse non sit summe bonus. Quia in re excusatio a mortalibus ex levitate materia non habet locum, vt confirmatur a simili: quia iurare mendacium quantumvis minimum, peccatum est mortale ex nomine: si Deus illud testaretur, veritas ipsius infallibilis destrueretur.

Aduerte, quod etiam idem bene notat in numero 11. non tantum facere tale votum, sed etiam illud implere, tanquam cultum Deo delatum, peccatum esse mortale: quia id est opere ipso Deum colere peccatis, & obligare

hominem ad faciendum peccatum. Quamquam, prout adhuc idem habet in sequenti num. 13. excusatio a mortali in tali voti materia, potest locum habere ex inconsideratione inuincibili, que quis non aduerterit ad id quod facit, nesciens an promittat Deo necne: aut saltem non aduersens, tali sua promissione aut illius executione, significari eiusmodi opus placere Deo.

## C A P. XIX.

## De spectantibus ad votum ex parte voventis.

## S V M M A R I V M.

- 258. Votum factum sine intentione vovendi est nullum.
- 259. Ad illud nihilominus seruandum compelli interdum quis potest, tum auctoritate ecclesie, tum ratione scandali.
- 260. Ecclesia iuste compellente, tenetur in conscientia seruare votum, qui illud emisit iste.
- 261. Vovere facte, de se suorum generis solum est veniale: & quando sit mortale ex accidenti.
- 262. Validum est votum factum intentione vovendi, etiam si factum sit intentione illud non implendi.
- 263. Quid sentiendum sit de voto facto sine intentione se obligandis.
- 264. Duo modi quibus actus vovendi censeri potest imperfectus.
- 265. Imperfectio actus, ex qua tanquam indelibatus, constituit votum inualidum.
- 266. Altera imperfectio actus, quae quoniam non excludit deliberationem ad peccatum mortale sufficientem, constituit votum validum.
- 267. Ad voti validitatem nec maior deliberatione requiritur quam ad peccatum mortale, nec minor sufficit.
- 268. Eadem deliberatione potest breuissimo tempore, atque adeo imperceptibili fieri.
- 269. Quid sit tenendum de votis precipitanter factis.
- 270. Quid de factis à commoto tra aut bene potato, aut metu percuso.
- 271. Imperfectio actus qua solemne votum religionis inualidum redditur.
- 272. Tale ne quidem tanquam simplex, valere.
- 273. Quaratione spectri debeat eiusmodi imperfectio.
- 274. Quid votum simplex ante pubertatis annos emisum, valere possit.
- 275. Quid de legitimo rationis voto non sit indicandum ex certo tempore.

**N** voto ex parte voventis quinque consideranda sunt ad recte ferendum de illius obligatione iudicium. 1. est fallacia, 2. imperfectio actus 3. imperfectio aetatis, 4. subiectio voventis, & 5. eiusdem intentio. De qua tamen commodius dicetur in seq. cap. 20. vt & de subiectione in cap. 21.

## S E C T I O. I.

## Defallacia.

**Q** uod attinet ad fallaciā notandum est ex Caiet. in verbo Votum cap. 3. eam in votis contingere duplitter: uno modo cum vovens non intendit, sed simulat vovere altero, cum non intendit feruare quod vovet.

Ac priore modo votum est nullum: ad quod cōfirmandum facit, quod ex cap. Humanæ aures 22. quæst. 5. in eius generis actibus humanis, non sint tantum consideranda verba, sed voluntas & intentio: cum non intentio verbis deferire debeat, sed verba intentioni. Facit etiam, quod inter homines, quidquid quis verbo promissorio dicat, si ostendat se non habere intentionem verbis cōfitemē, non existimatur le obligasse. Facit demum lex Obligationum 1. ff. De obligationibus & actionibus in qua statuitur sine animo obligandi se, nullam oriri obligationem in contractibus. Quam doctrinam tradens idem Caietan. 2.2. quæst. 88. art. 1. col. vlt. (& cum eo Nauarr. in Enchir. cap. 12. num. 27. & 38. Sotus lib. 7. de iust. & iure quæst. prima art. 2. pag. penultima) addit, nihilominus eum qui vovere ratione, compellendum esse votum adimplere.